



## IMBASAN PELAJARAN DALAM KULIAH YANG LEPAS

**Maqam-maqam yang MUNGKIN kita pernah usahakan untuk sehampir-hampirnya dengan Allah :**

- Maqam taubat, syukur, takut dan harap, zuhud, tawakkal, taat dll. Namun maqam yang tertinggi ialah maqam cinta, iaitu yang sedang kita pelajari sekarang.

**Apakah peringkat-peringkat pencapaian dalam sesuatu ilmu?**

- i. Peringkat tahu (sekadar tahu sahaja).
- ii. Peringkat faham (sudah tahu baik buruk).
- iii. Peringkat sedar (sudah mula fikirkan apa tindakan yang mahu diambil).
- iv. Peringkat amal (sudah melakukan).
- v. Peringkat menghayati.
- vi. Peringkat mencapai matlamat.

## **Contoh peringkat-peringkat pencapaian dalam pelajaran cinta Allah:**

- i. Peringkat tahu – Tahu bahawa ada cinta Allah kepada makhluk dan ada cinta makhluk kepada Allah.
- ii. Peringkat faham – Faham mengapa kita mesti ada ilmu cinta Allah ini, mengamalkannya, menghayatinya dan mencapainya.
- iii. Peringkat sedar – Mula berfikir cara-cara dan usaha-usaha untuk mendapatkan ilmu ini.
- iv. Peringkat amal – Mula mengamalkan cinta Allah dan mempertingkatkan amalan dari semasa ke semasa.
- v. Peringkat menghayati – Mengamalkan cinta Allah dengan khusyuk dan menterjemahkannya dalam seluruh aspek kehidupan.
- vi. Peringkat mencapai – Berjaya mencapai cinta Allah.

### **Apakah maksud “dari sudut syari’at”?**

Maksudnya dari sudut pandangan kerja makhluk.

Contohnya : Pada syariatnya, pisau yang melukakan dan api yang menghanguskan.

### **Apakah maksud “dari sudut haqiqat”?**

Maksudnya dari sudut pandangan kerja Tuhan.

Contohnya : Pada hakikatnya, Allah sahaja yang berkuasa melukakan bukan pisau. Allah sahaja yang ada kuasa menghanguskan bukannya api.

### **Contoh-contoh syariat dan hakikat.**

Syariat : Nabi Muhammad saw yang melemparkan batu ke arah musuh.

Haqiqat : Allah yang melemparkan batu itu, bukan Nabi Muhammad.

Syariat : Saiyidina Hamzah yang memanah haiwan buruan.

Haqiqat : Allah yang memanah haiwan buruan itu, bukan Hamzah.

Syariat : Umar Mukhtar yang menembak musuhnya.

Haqiqat : Allah yang menembak musuh itu, bukannya Umar Mukhtar.

Syariat : Air yang membasahkan tubuh kita ketika mandi.

Haqiqat : Allah yang membuatkan tubuh kita basah, bukannya air.

Syariat : Ubat yang melegakan sakit kepala kita.

Haqiqat : Allah yang melegakan sakit kepala kita, bukannya ubat.

Syariat : Guru yang mengajarkan ilmu.

Haqiqat : Allah yang mengajarkan ilmu itu, bukannya guru.

Dari segi hakikatnya, makhluk langsung tidak ada sebarang daya upaya melainkan dengan daya upaya Allah sahaja.

**Dalam pelajaran cinta Allah ini, apakah had paling bawah bagi orang-orang awam, orang-orang yang hanya ada ilmu syariat (yang tidak belajar ilmu hakikat)?**

Mesti (wajib) mencintai Allah nombor 1. Mesti (wajib) mencintai Allah melebihi yang lain-lain.

*\*Rata-rata ahli masyarakat kita berada dalam golongan ini.*

*\*Majoriti umat Islam pun berada dalam golongan ini.*

*\*Bahkan sebahagian orang yang bergelar ilmuwan agama pun berada dalam golongan ini.*

**Apakah had paling bawah bagi orang-orang syariat yang ada ilmu hakikat?**

Selain yg di atas, mesti meyakini bahawa pada hakikatnya Yang Mencinta hanyalah Allah, dan Yang Dicinta juga ialah Allah.

Yang Mencinta dan Yang Dicinta adalah sama, adalah satu.

Hanya ada satu cinta, iaitu CINTA ALLAH.

*\*Maka tak hairanlah lagi kita dengan kalimah “Yang Menyembah dengan Yang Disembah adalah Sama”. “Yang Menyembah dengan Yang Disembah adalah Satu.”*

### **Apakah langkah utama untuk mendapatkan cinta Allah ini?**

Meminta kepada Tuan Punya Cinta itu sendiri agar kita dianugerahkan cinta Allah ini. Hanya Dia yang berkuasa, yang dapat memberikan cinta Allah kepada kita. Sekiranya Dia tidak anugerahkan, kita usahalah sehebat mana pun, tetap tak akan dapat. Oleh itu, selalulah minta kepada Dia.

### **Benarkah jika seseorang itu wali Allah, dia mestilah tidak bekerja kerana tawakkalnya kuat dan rezekinya datang tanpa diduga?**

Tidak! Ramai auliya' (para wali) yang bekerja mencari nafkah seperti :

1. 4 orang dalam Khulafa' ar-Rasyidin.
2. Huzaifah ibnu Yaman (Gabenor Kufah, Gabenor Parsi).
3. Abu Hurairah (Gabenor Bahrain, Gabenor Madinah).
4. Khalifah Umar Abdul Aziz (Khalifah, Gabenor Madinah pada zaman Hajjaj Yusuf As-Saqafi jadi Gabenor Iraq).
5. Imam Asy-Syafi'i (pernah jadi Mufti Yaman dan Menteri Najran).
6. Imam Al-Ghazali (pengetua Madrasah Nizamiyah).
7. Imam Ahmad al-Ghazali (pengetua Madrasah Nizamiyah).
8. Sultan Muhammad Al-Fateh (Khalifah Turki Uthmaniyyah).
9. Syeikh Shamsuddin al-Wali (penasihat di istana Sultan Al-Fateh).
10. Salahuddin al-Ayyubi (Gabenor Mesir, PM Daulah Islam).

Ilmu tasawuf , ilmu haqiqat, ilmu ma'rifat, ilmu mukasyafah ini adalah ilmu yang halus-halus lagi seni-seni. Oleh itu, cara syaitan hendak menngelincirkan kita pun halus-halus dan seni-seni juga. Sebab itu ramai juga orang-orang yang tersalah jalan. Kita mestilah sangat berhati-hati.

## **PERKONGSIAN UNTUK MALAM INI**

Jadi, dia itu tidak mustahak untuk disyukuri dan dicintai, dari dua segi :

**PERTAMA** : Salah satu dari dua segi itu, bahawa **ia terpaksa dengan dikuasakan oleh Allah** akan pengajak-pengajak ke atas dirinya. Maka tiada mampu ia menyalahinya. Dia itu berlaku, sebagai berlakunya pemegang gudang seorang amir (raja). Maka pemegang gudang itu tidak akan dilihat sebagai orang yang berbuat baik, dengan menyerahkan hadiah amir kepada orang yang dihadiahkannya. Kerana orang itu dari pihak amir memerlukan kepatuhan dan mengikuti akan apa yang digariskan oleh amir. Dan ia tidak sanggup menyalahinya.

Jikalau amir menyerahkan hal itu atas pertimbangan orang itu sendiri, nescaya tidak akan diserahkannya yang demikian. Maka seperti demikian juga, setiap orang yang berbuat al-ihsan, jkalau diserahkan oleh Allah atas kemauan orang itu sendiri, nescaya tidak akan diberikannya sebiji pun dari hartanya. Sehingga Allah mengeraskan pengajak-pengajak atas orang itu dan menghantarkan pada hatinya, bahawa keuntungannya, baik mengenai agama atau dunia, adalah pada diberikannya. Maka diberikannya harta itu, krna yg demikian.

**KEDUA** : Bahawa **ia mendapat ganti** dari apa yang telah diberikannya, sebagai keuntungan, yang lebih sempurna dan lebih disukainya, dari apa yang telah diberikannya.

Maka sebagai penjual barang, tidak dihitung sebagai orang yang berbuat al-ihsan, kerana ia memberikan dengan ada ganti, yang lebih disukainya dari apa yang telah diberikannya, nescaya seperti demikian juga, orang yang memberikan sesuatu, yang memperoleh gantinya, dengan pahala atau pujian atau sanjungan atau ganti yang lain.

(ms 431) Dan tidaklah dari syarat gantian itu bahawa dia itu benda yang berharga. Akan tetapi keuntungan-keuntungan semuanya itu adalah gantian, yang memandang menjadi enteng akan harta-harta dan benda-benda, dengan dikaitkan kepada gantian itu.

Maka al-ihsan itu pada kemurahan. Kemurahan itu ialah memberikan harta tanpa ganti dan untung yang kembali kepada si pemberi. Dan yang demikian itu mustahil dari selain Allah SWT.

Dialah yang mencurahkan nikmat kepada alam semesta, sebagai al-ihsan kepada mereka dan kerana mereka. Tidak kerana keuntungan dan maksud yg kembali kepadaNya. Dia Maha Suci dari segala maksud.

Maka lafaz kemurahan dan al-ihsan pada yang lain dari Allah itu dusta atau secara majaz. Ertinya pada yang selain daripadaNya itu mustahil dan tercegah, sebagai tercegahnya berkumpul antara hitam dan putih.

Maka Dialah yang sendirian dengan kemurahan dan keihsanan, pemberian dan curahan nikmat.

Kalau ada pada tabiat manusai mencintai orang yang berbuat al-ihsan, maka sayugialah bahawa tidak dicintai oleh orang yang mempunyai ma'rifah, akan selain Allah Ta'ala.

Kerana **al-ihsan dari selain Allah Ta'ala itu mustahil**. Dialah yang mustahak bagi kecintaan ini sendirian. Adapun yang lain dari Dia, maka bermustahak akan kecintaan atas perbuatan al-ihsan, dengan syarat tidak mengetahui akan erti al-ihsan dan hakikatnya.

**ADAPUN SEBAB KETIGA** iaitu cintanya engkau kepada orang yang berbuat baik pada diri orang itu sendiri, walaupun tidak sampai al-ihsannya kepada engkau. Ini juga terdapat pada tabiat manusia.

Bahawa apabila sampai kepada engkau berita seorang raja yang banyak ibadahnya, yang adil, yang alim, yang sayang kepada manusia, yang berlemah-lembut dengan mereka, yang merendahkan diri kepada manusia dan raja itu di suatu benua di bumi ini yang jauh dari engkau.

Dan sampai pula kepada engkau berita seorang raja yang lain, zalim, sompong, fasik, berbuat kerosakan, jahat dan raja ini juga jauh dari engkau.

Maka engkau dapati dalam hati engkau perbezaan antara keduanya. Kerana engkau dapati dalam hati akan kecenderungan kepada yang pertama iaitu cinta. Dan kelarian hari dari yang kedua iaitu benci.

Sedang engkau berputus asa dari kebajikan raja yang pertama dan perasaan aman dari kejahatan raja yang kedua. Kerana putusnya harapan engkau untuk masuk ke negeri mereka.

Maka ini adalah kecintaan kepada orang yang berbuat baik dari segi bahawa orang itu berbuat baik sahaja. Tidak dari segi bahawa orang itu berbuat baik kepada engkau.

Ini juga menghendaki akan kecintaan kepada Allah Ta'ala. Bahkan menghendaki bahawa tiada sekali-kali ia mencintai yang lain, selain dari segi bahawa ada sangkutan dari orang itu dengan sesuatu sebab. Maka sesungguhnya Allah yang berbuat al-ihsan kepada seluruhnya dan yang mengurniakan kepada semua jenis makhluk.

Pertama-tama dengan dijadikannya akan mereka. Kedua dengan sebab penyempurnaan mereka, dengan anggota-anggota badan dan sebab2, yang termasuk hal yg penting bagi mereka. Ketiga dengan penganugerahan kemewahan dan kenikmatan bagi mereka, dgn menciptakan sebab2, yang dalam tempat sangkaan hajat keperluan mereka, walaupun tidak dlm tempat sangkaan darurat.

Dan keempat dengan penganugerahan keelokan mereka, dengan kelebihan2 dan tambahan2, yg ada dalam tempat sangkaan perhiasan mereka. Dan itu di luar dari darurat dan hajat keperluan mereka.

Contoh yang tak dapat tiada dari anggota bandan ialah kepala, hati dan jantung. Dan contoh yang diperlukan ialah mata , tangan dan kaki. Contoh perhiasan ialah melengkung dua alis mata, merah dua bibir, bulat cantik dua mata dan lain-lain, daripada keadaan, yang jikalau tidak ada, nescaya tidaklah rosak keperluan dan tidaklah darurat.

Contoh hal yang tak dapat tiada dari bermacam nikmat yang di luar dari tubuh insan ialah air dan makanan. Contoh hajat keperluan ialah ubat, daging dan buah-buahan.

Contoh kelebihan-kelebihan dan tambahan-tambahan ialah kehijauan pohon-pohonan, bagusnya bentuk cahaya dan bunga-bungaan, lazatnya buah-buahan dan makanan-makanan, yang tidak rosak hajat keperluan, dan tidak adanya dan tidak darurat.

Bahagian-bahagian yang tiga tersebut itu terdapat bagi setiap haiwan, bahkan bagi setiap tumbuh-tumbuhan. Bahkan bagi setiap jenis dari jenis2 makhluk, dr puncak Arasy sampai kpd penghabisan tikar bantal.

Jadi, Dialah yang berbuat al-ihsan. Bagaimana maka yang lain daripadaNya itu berbuat al-ihsan? Orang yang berbuat al-ihsan itu adalah salah sati dari kebaikan qudratNya.

Dialah yg menjadikan perbuatan baik, yg menjadikan orang yg berbuat al-ihsan, yg menjadikan al-ihsan dan yg menjadikan sebab2 al-ihsan.

Maka cinta dengan alasan ini bagi yang lain daripadaNya juga kebodohan semata-mata. Sesiapa yang mengenal yang demikian, nescaya ia tidak mencintai dengan sebab alasan ini, selain Allah Taala.